

No. 488. 1476. 27. Febr.

*Der Rath ersucht die Landesfürsten um Bestätigung des neu erwählten Rathes.*

Durchluchtigenn hochgeborenn fürstenn. Vnnsere vnuordrossenn willige vnnd gehorßame vnnderthenige dinste sein vvernn gnaden allezeit zeeuoran bereit. Gnedigen lieben hern. Nachdem wir vff disse zeit nach alder gewönheit einen rath pflegen zeukießen vnnd zeuerwelen, haben wir disse nachgeschriebenn vff vnser bestewissen mit namenn Jacoff Tommell zcu burgermeister, Henrich Stangenn, Policarpus Storm, Benedictum Moller, Nickell Wolff, Augsten Schultzen, Fritz Pfister, Jacoff Blaßbalg, Lefinum Forster, Bartell Sommerfelt, Matthias Wegill vnnd Tilemannen Guntherode zcu geschwornen rathmannen vvrer gnaden stadt vff diß zukunfftige iar gekorn vnnd erwelet, mit dinstlichem vleiß demutiglich bittende, vwre gnade wollen disse selbigenn gekornen gnediglich confirmirenn vnnd bestetigenn, der gemeyne bey vns ernstlich gebieten, ðn diß iar vß gehorßam vnnd gefolgig zeusein anstadt vvrer gnade, dadurch die stadt in eintracht vvernn gnaden zcu eren vnnd vnns allen zcu nutz vorgestanden mag werden. Das wollen wir vmb vwre gnaden allezeit gehorsamlich vnnd mit demutigem willen gerne vordynen, vnnd womit wir vvernn gnaden zcu gehorsamenn vnnd vnnderthenigenn dinsten werden solten, findet vnns vwre gnade allezeit bereitwillig vnnd gehorßam. Geben vnnder vnßerm secrett vff dinstag noch Estomih anno .c. LXXVI°.

Der rath zcu Leiptzk.

Den durchluchtigen hochgeborenn fursten vnd hern hern Ernste kurfursten .c. vnnd hern Albrechte gebrudern hertzogen zcu Sachssen, lantgrauenn in Doringen vnd marggraffen zcu Miessen vnsern gnedigen lieben hern.

Nach dem Orig. im K. Haupt-Staatsarchiv zu Dresden.

Das obige Schriftstück liefert für Leipzig das älteste Zeugniß für das Erforderniß landesherrlicher Bestätigung des neu eintretenden Rathes; im Rathsarchiv beginnt die fortlaufende Reihe der Rathsbestätigungen mit dem Jahre 1480. — v. Langenn Albrecht d. Beherrzte S. 368 A. 1 verzeichnet die Städte, für welche sich dergleichen Bestätigungen aus den Jahren 1470–1478 im K. Haupt-Staatsarchiv vorfinden; für Dresden beginnen dieselben nach Ausweis der im dasigen Rathsarchiv aufbewahrten Documente bereits mit dem Jahre 1399. *Freitag den 1378*

No. 489. 1476. 2. März.

*Nickel, Heinrich und Hans Pflug belehnen Jacob, Jorg und Nickel Gebrüder die Thommel mit Gütern und Gefällen, welche der Bürgermeister Jacob Thummel von Heinrich Pflug gekauft hat.*

Ich Nickel Pflug uff die czeit amptman czu Liepck Pegaw vnd Bornne, czum Knuthaym vnd wir Heinrich vnd Hans Pflug czu Zebicker vnd Zschocher gesessen bekennen —. Nach dem der erbar vnd fursichtige Jacoff Thomel burgermeister czu Liepck vor sich vnd alle seine leibes lehens erben mit gunst willen vnd wissen der durchluchtigen hochgeborenn fursten vnd hern hern Ernst kur-